



ЛЕНИНЭНЬ КИЯВА

ВЛКСМ-нь Мордовской обкомонть ды Саранск ошонь комитетэнтъ газетаст

1941 ие
М А Е Н Ь
28-це чи
59 (1355) №

ЛИСИ: 11-це ие,
12 № ковс

Кизэнь шкастонть эйкакштнень марто роботадонть

Курок минек весе школатнесэ прыдо-
ви тонавтнама несэ. Овси аламо чить
кадовсть се шканть самс, зярдэ весе
школьникне кармить оймсеме. Секскак
уш нейке сынет эйстэ ламотне арсить
се вопросонть лангсо, волнуе сынет
се арсемась, кода ютавтоме кизэнтъ?

Кизэнь шкастонть эйкакштнень мар-
то роботась—те пек покш ды ответст-
венной те. Миненекэряви каникулатне-
стэ аравтоме эйкакштнень марто робо-
танть истя, штобу сон кемекставоль
сынет шумбрачист, лездаволь сынет фи-
зической развитиянень, воляст ды ха-
рактерэст воспитаниясонть.

Эйкакштнень марто кизэнь роботась
вещи комсомольской организациянень
пельде покш мель, ламо вий ды ини-
циатива. Те роботасонть мелят минек
ульнесть нолдазь зяря асатыкст ды
ильведекст. Ильведексэсь васняк
ульнесть сеньсэ, што комсомольской кой-
кона организацияне сех покш мель
явсть лагертнень лангс, стувтнесть
сеть эйкакштнень, конат ютавтеть ки-
зэнтэ ошсо ды велесэ. А истянаде ведь
пек седе ламольть сетнень коряс, ко-
нат ульнесть лагерьсэ.

Кода создазь, тедиде ВЛКСМ-нь ПК-нть
решениянзо коряс пионерской лагерт-
несэ роботась ули решительностэ одке-
теезь. Лагертнесэ ней ули покш мель
явзозь сень лангс, штобу пионернэ
получавольть седе ламо трудовой, во-
енной навикт ды физической закалка.
Истямо ладсо жо эряви ладямс эйкак-
штнень марто весе кизэнь роботанть.

Келейстэ эряви аравтоме тонавтни-
цятнень ютксо экскурсионно-туристской
роботанть. ВЛКСМ-нь Мордовской обко-
мось кармавтыне комсомолонь райкомт-
нень, ошонь комитетнень ды перви-
ной организациянень башка мель
явомс тонавтницятнень марто вейке чинь
воензированной походтнень ды экскур-
сиянень ютавтоманть лангс. Обкомось
истяжо мерсь комсомольской организа-
циянень каникулатнень шкастонть
тонавтницятнень привлекать спортив-
ной площадкатнень ды спортивента-
рень тееме.

Пек покшт возможностьне кизна то-
навтницятнень трудовой воспитаниянть
туртовгак. Старшей классонь тонавтни-
цятне кармить роботаме колхозной пак-
сятнесэ ды эмежбиретнесэ, пришколь-
ной участкатнесэ. Тедэ башка ламос
сынъ тонадыть пионерской лагертнесэ,
юннотонь, авиамоделитнень, тракто-
ристнень ды лия кружоктнесэ. Весе те
роботась, бути сон ули организовазъ
ды ютавтозь кизэнь шкастонть парсте,
видестэ кавды пек покш лезэ тонав-
ницятнень трудовой воспитаниянень.

Эйкакштнень марто кизэнь шкасто
роботасонть физкультуранть, военной
тевенть, трудовой воспитаниянть лангс
сех покш меленть явзозь, а эряви, на-
ма, стувтнемс сеньгак, кода каникула-
тнестэ школьникне кармить ловномо.
Учительтне, комсомольской роботникне
ды библиотекатне должны тееме весе
сень, штобу эйкакштне кизна седе ла-
мо ловновольть. Эряви, штобу вадра
книгась улелель каникулань читнестэ
эрьва школьникенть сех паро, а по-
лавтовикс ялгако, спутникесэ.

Седе вадрясто аравтеснек кизэнь
шкастонть эйкакштнень марто робо-
танть, лездатано теист весеме ёндо пар-
сте ютавтоме каникулатнень!



130 тыща целковой получаць доход
1940 иестэ Ромодановской районь
«ОБДВА» колхозось эмежбиретнестэ.

СНИМКАСОНТЬ: колхозницася Настя
Сюбкаева эмежбирень росадасо.

Фотось Ю. Володинэнь.

Социалистической лескс

Зерново-бобовой культуратнень ви-
деманть Шугуровской вельсоветэнь
«Большевик» колхозось прыдызе маень
15-це чистэ.

Ф. Беляйкины ды Ф. Аношкины ялгат-
нень звенатнесэ видипятне свал вельс-
ка топаветилизь выработкань нормат-
нень, вете гектартнень таркас ви-
дильть 6—7 гектарт.

А. Васильев.

Б.-Березниковской р-н.

Трактористнень изнявксост

Баладин ялганть тракторной брига-
да ловови сех вадряк Чапаев лемсэ
колхозсонть. Паксянь роботатнень перть
те бригадасонть вестькак тракторнэ
стяко эзть аште. Маень 20-це чис со-
казель 306 гектар.

Сех покш изнявкст теи А. Бормото-

Видипятне нормаст топаветить вельска

Я. Зубков ды К. Бажанкин ялгатне
Косогор велень «Красный восток» кол-
хозонь паксятнесэ роботыть видипяке.
13 рядсо сеялкасо эрьва чистэ нормань
коряс 5 гектартнень таркас видеки-
нить 6 ды седе ламо гектарт.

Истяжо вадрясто роботыть И. Ошкин
ды С. Митрашкин ялгатне. 11 рядсо

Вете гектаронь таркас—сисем

Парсте, организованнойстэ молитъ
тунда видемань коряс роботатне Май-
дан поселкань «Сятко» колхозонь пак-
сятнесэ.

Колхозникне, конат роботыть соки-
пяксы ды видипяксы, вельска топавет-
нить выработкань норматнень.

Комсомолецтнэ— соревнованиянъ инициаторт

«Красный пахарь» колхозонь кол-
хозниктнень ютксо келейгадсь социа-
листической соревнованиясь тунда ви-
деманть вадря качества марто ды нурь-
ка шкас ютавтоманзо кис. Те соревно-
ваниянъ инициатороке ульнесть ком-
сомолецтнэ.

Комсомолецтнэ видемасонть невтить
трудонь сэрей производительностень
образецт. 3-це бригадасонть плугаресъ
комсомолецася К. Н. Сальников эрьва
чистэ выработкань норманзо топавети
150 процентс, изыпясь П. Руков ком-
сомолецася—160 процентс.

Те колхозсонть комсомолецтнэ аволь
ансяк вадря производственникть, но и
а брать общественникть. При-
мерке, Н. Потехин, Ф. Сальников ды
В. Сальников лововить вадря агитато-
рокс. Сеетьстэ колхозниктнень ютксо
ютаветить беседат, ловныть теист све-
жа газетат, бригадасо нолдтнить стен-
газетат.

Комсомольской организациясь весе
вийсэ бороци сень кис, штобу колхо-
зось сы иестэ улелель велень хозяйст-
ванъ Всесоюзной выставкань участни-
кекс.

В. Сальников,

комсомольской организациянъ секре-
тарь.

Краснослободской р-н.



СНИМКАСОНТЬ: Чамзинкань стан-
циянь начальникенть заместителесъ
В. Д. Хритов комсомолецася. Вадрясто
роботанть кис Хритов ялгася колхозось
получакшнось наркомовской премият.

Фотось Ю. Володинэнь.

Видсть чинжарамо

Саранской районсо Чкалов лемсэ
колхозсонть видезь чинжарамо 10,8
гектарт.

Чинжарамонь видементэ парсте ро-
ботастъ И. Огнянов ды П. Шестеркин
ялгатне. Сынъ видеманть прыдызь
нурька шкас—омбоце пель чис.

Чинжарамось видезь паро качества
марто. Видьметне ульнесть васенце ка-
тегориянъ.

Комсомолецтнэнь примерэст коряс

Видипятне А. Бекшаев ды И. Колес-
ников комсомолецтнэ макссть вал выра-
боткань норматнень топаветнеме 150
процентс. Сынет примерэст коряс, кол-
хозникне виевгавтызь эсь ютковаст
социалистической соревнованиянъ тун-
да видеманть успешноно ютавтоманзо
кис.

Весе сынъ дружнасто кундасть эсь
обязательстваст топаветанть. Види-
пятне А. Бекшаев ды И. Колесников
эрьва чистэ нормаст топаветить 150
процентс, Аношкин ды Панькин сож-
пятне 125 процентс. Дружнасто робо-
тазь, маень 23-це чинтень колхозось
прыдызе зерново-бобовой культурат-
нень видеманть.

Ф. Пивкин.

Б.-Березниковской р-н.

Паро качества марто

Саранской районсо Ключаревской
вельсоветэнь кавто колхозт—«Победа»
ды Степан Разин лемсэ—эсь шкасто
ды паро качества марто прыдызь тун-
да видеманть.

Нетъ колхозтнесэ видементэ организо-
вазель трудось, парсте аравтозель
бригадатнень ды звенатнень ютксо
социалистической соревнованиясь. Со-
кичатнеяк, видипятнеяк эрьва чистэ
вельска топаветить выработкань
норматнень.

Видевтне лиссть

Прыдызе зерново-бобовой культурат-
нень видеманть Пятинской вельсоветэнь
«Красный факел» колхозось. Паксят-
несэ появаст товзюро видеветень ли-
севкст. Ней колхозось путы модамарь,
чинжарамо ды суро.

Сюпкаев.

Ромодановской р-н.

КОМСОМОЛЕЦТ ДЫ ОД ЛОМАТЬ! ЛИСЕДЕ ВЕЛЕСЭ ВАНЬКСЧИНТЬ ДЫ КУЛЬТУРАНТЬ КИС ПОХОДС!

Ваньксчинть кис

Месельце чить эйкакштне якить школав, максит испитантнень, куроксто сынст поддасысь каникулас. Тонадсть сынсь эсь школантень, ды стака эйстанэз явомс се шкас, зардо таго одвий марто сыть тонавтнеме.

Сабаева велень средней школань тонавтицятне, комсомолецтнень инициативаст коряс, решиль теесэ эсь школанть перька уборка, штобу тосо улевель мазыи, ваньксчи, порядок. Аволь умок сынсь тейнесь субботник, конаньсэ активной участия примасть зарья колхозной од ломаткк.

Школанть перька урядысь весе навозонть, мусоронть, эрва кодамо захламленностень. Мельпаро сайдызат, зардо ней ютат школанть вакса: тосо алуксонь ваньксчи, касы пиже луга.

И. Юртайкин.

Кочуровской р-н.

500 умарь чувто

Ютазь иень сёксня Первомайской велсоветэнь Чапаев лемсэ велхозартеднень члентне эсест собраниясост тейсть решения—озавтомс сад. Тень кис явсть 5 гектарт мода. Ромодановской плодоягодной совхозото колхозось те тунда рамась 500 умарь чувто ды чушторовонь ды крыжовникень ламо курот. Весе сынсь озавтнесь. Те иень сёксня удить рамась еще 300 умарь чувто.

В. Кошелев.

Ромодановской р-н.

Беспечностень результат

1-це ды 2-це бригаднесь овси а бороцить ваньксчинь ды порядоконть кис. Колхозной картнень перька валазь ламо навоз ды кода понгсь ёртнесь тарат, мукорь петь.

Весе те—бригадиртнень, Кильдюшкин ды Нуявзин ялгатнень, ды комсомолецтнень беспечностень результат. Сынсь чуросто якить колхозной кардаз, мезеяк эзь тее Ромодановской районь «Свобода» колхозонь комсомолецтнень сёрмаст коряс.

И. Никитин.

В. Учайкин.

Б.-Березниковской р-н.

Белоручкат

Вишкине комнарасо ловныть кавто од тейтерть. Столест лангсо кода понгсь ёртнесь конёвт, газетат, береткат ды шляпат. Неть тейтертне—Редкодубьевской медпунктонь медицинской сестрат: Масленникова ды Полетова. Истимо обстановкасэ сынст комнарасонть, косо сынсь примить сэрдицят.

Зардо минь кевкстине, мекс сынст медпунктост бокасто, ульцасто а урядыть навозонть ды эрва кодамо мусоронть, тейтертне, кургонь цувордазь, отвечаст:

— Минь штоли карматано урядамо?! Эка, уборщицатнень мусть.

Тестэ а косто нееме сынст бороцимост велень культуранть кис, бути сынсь мик нузялдыть теесэ порядок эсь роботам таркаст перька. А ведь сынсь тонавтнень ломатнень культурань кис бороцям, кортыть, што ваньксчись—те шумбрачинь залог.

Теле мейле, зарья чинь ютазь, ВЛКСМ-нь первичной организациянь секретарень Кубасов ялгавть марто, Масленникова ды Полетова ялгатнень марто вейсэ савсь модемс Редкодубьевской колхозонь пакснень станс. Совинек вишкине полземлянкас, косо эсь ютко шкаст ютавтиць сторожтне. Тосо кувать эзине аштевь. Седе покш антисанитария а муят костояк.

— Тынь ульниде зардоак тесэ?—кевкстине медсестратнень.

Арась.

— Вана тесэ эрви ваньксчи теес.

— Тейт тесэ,—кежейстэ мерсть сынсь.

А мекс Масленникованень ды Полетованень а тееси ваньксчись, бути сынсь кундыть те теветнень. Ведь сынсь роботамо маштыть, аноктасть ГСО-нь ламо значкист.

«Свобода» колхозонь комсомолецтнень обращениясь течинь чис еще атак толкова «Красногвардеец» колхозонь общекомсомольской собраниясо.

— Арази те эрви?—дивазь кевкстсь организациянь секретаресь Кубасов ялгась.

Тень коряс чумо и ВЛКСМ-нь райкомонь секретаресь Пригарин ялгась, кона те шкас мезеяк эзь тее Ромодановской районь «Свобода» колхозонь комсомолецтнень сёрмаст теве ютавтоманть коряс. Виде, районсонть ули а берань вейке ушоткс. Старо-Ардатовской колхозонь комсомолецтнень вадрасто толковизь Ромодановской районь комсомолецтнень сёрмаст, организовизь весе од ломатнень велесэ ваньксчинь ды культурань теесэ. Но те вадра ушотксонть а теить достоянияк лия комсомольской организациятнень туртов.

— А кона шкасто те тевсанть роботамс,—корты райкомонь секретаресь Пригарин ялгась.

И. Антонов.

Ардатовской р-н.

Колхозонь кардазсо

Вейке кардазсо аштить Косогор велень «Красный восток» колхозонь вассеце ды омбоце бригадань алашатне.

Уходось сынст мельга аравтоз бераньстэ, алашатне тоштят. Конюхтне зардоак сынст а урядакшносызь.

Кардотнесэ ды весе кардазсонть—рудаз, навозось ашти купян-купян, а кува ютамскак. Тосо, косо аштекшнить алашатне, свал эрси начко.

Латотне кардазсонть каладозь, ускозель вирь сынст витнемс—конюхтне сонзэ сайнить эсест пенгекс.

Инвентаресь, сбруесь ёртнесь кува понгсь.

Соды весе теле колхозонь председателесь Д. Сульдин ялгась. Ансяк мезеяк эзь тее сень коряс, штобу колхозонь кардазсонть кармаволь улеме эрвикс порядок, ваньксчи ды штобу алашатнень мельга уходось вадрасто улевель аравтоз.

Д. Барсуков.

Б.-Березниковской р-н.

Ловнома кудо ли те?

Покш Маризь велень ловнома кудосонть пек ламо рудаз ды пуль. Пульсэ вельязь весе стенатне, лозунгтне ды плакатнэ.

Уголтнэсэ нюръги шанжавонь коцт. Кияксонть зардо шлякшнысь—а соды сонськак ловнома кудонь заведующеесь. Секс кияксонть истимо рудаз, натой сэдаякстнэяк а неавить. Вальматне каргоцть.

Сеестэ эрсить ловнома кудосонть комсомолецтнэ ды ВЛКСМ-нь организациянь секретаресь Мамайкин ялгась, но сынсь а неить тосто бескультурьянь, а бороцить сонзэ каршо, ваньксчинть кис.

Содыть комсомолецтнэ Ромодановской районь Михайловка велень «Свобода» колхозонь комсомолецтнень ды од ломатнень сёрмадосткак, конаньсэ сынсь тердсть велесэ, общественной таркатнесэ ваньксчинь, культурань, порядоконь кис бороцям. Ансяк неподхватили сынсь те инициативанть. Секскак ловнома кудось ашти истимо берань состояниясо. А ведь культурань, ваньксчинь кис бороцям кармавтыть партийной XVIII-це конференциянь решениятнеяк. А неть решениятнень топавтомась ашти обязательнойкс комсомолецтненьгак. Мекс сестэ эно Покш маризь велень комсомолецтнэ а кундыть тевс, а бороцить колхозной велесэ, общественной таркатнесэ ды истяжо эсь кудосо ваньксчинть, культуранть кис?

Эрви максомс упрёк ВЛКСМ-нь Чамзинской райкомонтеньгак тень коряс. Райкомонь работниктне сеестэ эрсить Покш Маризь велесэ, но неть асатыкстнэнь а неить.

К. Леонидов.

Чамзинской р-н.

Эйкакштнень антирелигиозной воспитаниясь

Антирелигиозной воспитаньясь—коммунистической воспитаньянь эрвикс ды покш пелькс. Религиясь принципиально ашти враждебнойкс наукантень ды коммунизмантень. Религиясь—вийтемычнь, беспомощностень, рабствань идеология. Сон мантнэ ломанень превтнень творческой вийтнень, синди ломанень кемеманзо эсензэ лангс, эсь вийтнень лангс, сонзэ эйсэ теи сокорсто коронь кирдиакс, пассивнойкс.

Секс чарькодеви, што антирелигиозной воспитаньясь парсто эрви аравтомс школасок, семьясо.

Но ламо школат аволь сатышка мель явокшнить те теветнень, седеяк аламо мелявты тень кис семьясь. Койкона учительтне ды тетятне-аватне эрсит, што минек шкастонть религиозной суевериятнень арась уш кодамоак влияниаст эйкакштнень лангс. Диятне жо эрсит, што бути эйкакшонтэ сознаньяс понгиткак религиозной кодаткак суеверият, то те, мезеяк араськак, кодамоак зыянов влияния а теить эйкакшонтэ развитианть.

Весе неть мельне-превте а видеть. Куш религиянь каршо бороцямосонть минек успехенек покшт, яла теке религиозной суеверият эрсит покш (сыре) ломатнень пряс, сынст пельде жо сынсь понгонить эйкакштнень. А эрви стувтнеме сеньгак, што меельсметнестэ пошине ды сектантской пропо-

ведниктне эрва кода бажить виензамс эсь роботаст эйкакштнень ютксо. Кодат ансяк средстват тевс а подлтитнеть неть чельтнесэ мракобестнэ! Кой-косо сынсь церковной оградтнесэ тейнить специальной площадкат эйкакштнень налксемань кис, кой-косо жо—эйкакштнень маньчекшнесызь ёлкас ды эйкакшонь «утренник», тейнить хоровой ды музыкальной кружокт.

А виде арсемс истяк, будто религиозной ёвкстнэ а тейнить кодамоак зыян эйкакштнень развитианть. Религиозной ёвкстнэ а кастыть эйкакштнень творческой фантазияткак, знаякс бажамосткак. Мекевланк, сынсь лепштити эйкакштнень пытливой, касыця превест, нусманьгавтыть эйкакштнень валдо, эрмонть кенярдомань мелест, теить эйсэст пелицякс.

Советской школанть задачазо—тонавтицятнень воспитывать сознательной ды активной безбожникекс, религиозной дурманонть каршо убежденной бороциакс. Те задачанть школанть эрви решамс учебной роботань шкастонть. Природадонть ды обществадонть научной знаятнень эйкакштнень ёвкстнэ учительтнень эрви использовать учебной курсонь подходящей эрва вопросонть, штобу неть знаятнень коряс толковамс религиозной суе-

вериятнень а видексчинть ды зыянонь. Пиземедэ или урожайде, вулканической извержениятнеде или землетрясениятнеде, чинь затмениятнеде или ломанень нервной системадо вопроствнень тонавтемстэ, учительсэ васня научно ёвтнесы те или тона явлениянь, мейле жо толковасы неть явлениятнеде религиозной възглядтнень а видексчинть, кенгелямонть ды се зыянонь, конань трудиятнень тейнить неть възглядтнэ. Тонавтицятнень историянь курсонть ёвтнесь, преподавателесь конкретной исторической материалонь коряс невтьсы, кода появась пазнень кемемась, кодамо причинань коряс те евьсть ды тейневкшнить религиозной суевериятне ды кодамо реакционной ролест ульнесь неть суевериятнень общественной развитиань башка шкатнестэ.

Теле башка эрви тонавтеммадо мейле ютко шкасто ютавтнемс антирелигиозной темань коряс ловномат, бесят, докладт ды лекцият, организовакшномс соответствующей экскурсият, тейнемс физической ды химической опытт, невтьме антирелигиозной инсценировкак. Средней ды седе покш возрастонь эйкакштнень а берань ули тейнемс антирелигиозной кружокт.

Эйкакштнень воспитаньянь вети аволь ансяк школась, но семьяскак. Секс эрви, штобу семьясь, тетятне-аватне аволизь стувтне антирелигиозной воспитаньянь задачанть ды лездавольт бу школанть те покш тевсэнь.

Тетятнень-аватнень васняк эрви мелявтомс седе, штобу семьясонть эйкакштнень аволь ёвтнексне религиозной суеверият ды тандавтемат (велесэ жо истя эрси аволь чуросто). Сеестэ сыре ломатне, лиясто мик пазнень а кемиятне, эйкакштнень ёвтнекснить эрва кодат суеверной приметат.

Тетятнень-аватнень эрви мелявтомс сень киякс, штобу эйкакшост лангс религиозной влияния аволь уле киньгак лиянь ёндо (васняк—поповщинань ёндо).

Эрва семьясонть эйкакштнень антирелигиозной воспитаньясонть эрви теесэ еще сень, штобу сынст максомс виде чарькодемак окружающей мирдэнь ды васняк сетне явлениятнеде, конатнень кувалт сеестэ появакшнить религиозной суевериятне.

Бути тетятне-аватне сынсь а отвечать эйкакштнень вопросост лангс, сынест эрви ловномс тень коряс книгат, кортнемс учитель марто.

Эсь эйкакштнень истя воспитаньясонть, тетятне-аватне пек шождалгавтсызь школанть антирелигиозной роботанзо. Школась жо лездазо тетятнень аватнень семьясо эйкакштнень антирелигиозной воспитаньясонть.

Наукантень тонавтнесь, антирелигиозной духсо воспитанной минек эйкакштне касыть содыця, смел, волевой ломанекс, Ленинань—Сталинань великой теветнень кис бороциакс.

Е. Перовский.

Од ломатненъ ютксо военной пропагандадонть

Минек од ломатненъ пек покш мелест тонавтнемс, содамс военной историйнъ, военной искусстванть. Сынет ютксо покш успехсэ пользуются войнадо марксистско-ленинской учениядонть, Якстере Армиянь строительствадонть, военной техникдонть лекцияне. Ансяк истят лекцият эрсекшнит минек пек чуросто.

ВЛКСМ-нь райкомтненъ эряви решительна вадрылгавтомс комсомолетнень ды од ломатненъ ютксо военной пропаганданть. Евтнемс тест русской великой полководцтнеде, минек народонть ютась шкань военной изиявкстнеде, гражданской войнань иетнестэ советской народонть героической бороцмолонзо омбо масторонь интервентнень каршо, Якстере Армиянь славной изиявкстнеде, конатненъ сон теинзе Хасансо, Халхин-Голсо, финской белогвардейщинань каршо бойтнесэ. Военной пропаганда везизь од ломатненъ ютксо седеяк кепедемс советской патриотизманть, лездамс сенень, штобу сын парсте тонавтневлизь военной теветень ды свал увелеть анокт социалистической эсь родинанть ванстомо.

Минек зярязь райкомт овси стувтызь истямо покш ды важной теветень, кодамокс ашти военной пропагандась. ВЛКСМ-нь Рузавской райкомось (секретаресь Чижова ялгась) комсомолетнень ды од ломатненъ тедиде эзь организовакшно вейкеяк лекция военной темань коряс. Ды тень толковить сенсь, што бую арасть теоретически грамотной лекторт. Чарькодеви, што те овси а виде. Лекторт улитъ, эряви ансяк сынет вешнемс ды роботамс марто. Те теветень можна таргамс гражданской войнань участиктнень, долгосрочной отпусков полдазь якстере-армеецтнень, запасонь командиртнень, Хасансо, Халхин-Голсо, финской фронтсо боень участиктнень. Сын могут ёвтнемс се героизмдонть, мужестводонть, конань минек боецтне проявляли эсь родинанть ванстомо. Ламомогут ёвтнемс сын Якстере Армиясо боевой эрямдонть, минек самолетнеде, танктнеде ды лия вооружениядонть. Райкомтне жо тень мекс-бути а теинить ды учнить, зярдотест костояк кучить квалифицированной лекторт.

Военной пропаганда марто теверсэ беряньстэ ашти Торбеевской, Ст.-Синдровской ды лия районтнесэ. Лекторской группатне жо, конат улитъ ВЛКСМ-нь райкомтнесэ, эсь роботань плантнесэ а макснить тарка военной темань коряс лекциятненъ. Нама, а кода икелепелев корс кирдемс истямо положенианть.

ВЛКСМ-нь райкомтненъ, пропаганда ды агитациянь коряс комиссиятненъ эряви седе покш мель явомс военной пропаганданть. Те жо пек лезды комсомолетнень ды од ломатненъ ютксо оборонно-физкультурной роботанть вадрылгавтомантьнак.

А. Кузнецова,

ВЛКСМ-нь обкомонь инструктор.

Шефть

Ламоксть монень савкшнось ваномс Кергудской неполной средней школань тонавтницятнень — юной шефтенъ колхозной фермасо роботаст мельга. Кода вадрысто, кодамо вечкема марто сын тонавтыть эсест шефской обязанност, кодамо покш лезэ сын кандыть колхозонтень!

7-це классонь тонавтниця М. Прякина эрва чистэ следи, кода авдыть сонзэ подшефной «Наган» вашинентъ, уряды эйсезэ. Вашинентъ унитанностэ вадры. Парсте истяжо вети уход подшефной молодняконть лангсо Иванова Зинаяк.

И. Антипов.

Ичалковской район.

ШКОЛАТНЕСЭ ТУНДОНЬ ИСПЫТАНИЯТНЕ



Ардатовской средней школань 3-це классонь тонавтницятне Л. Голубева ды Л. Пантюшина 4-це класс югавтозь отличной отметка марто. Кавонест сын пионерской отрядонь звеньевойть.

Пионертне испытаниятненъ максыть вадрысто

Маень 22-це чистэ Алова велень средней школань нилеце класстнесэ ульнест контрольной роботат арифметикань коряс.

Нилеце «А» классонь (учителесь Фадеекин комсомолетнень) 25 тонавтницятнень эйстэ 5 тонавтницятнень получаст отличной отметкат, 7 — пароды 13 — посредственной отметкат. Задачтненъ сех парсте решизь пионертне: Н. Кузнецов, С. Тенькин, Л. Лисякова ды лият. Сынет роботатнесэ арась вейкеяк ильведкес, вадневкес.

Парсте теизь арифметикань коряс контрольной роботатненъ 4-це «В» классонь тонавтницятне (учительница Бажанова комсомолкась). Вейке-

як эйкакш эзь получа берянь отметка. Кавксо тонавтницятнень путозь отличной ды пароды отметкат, 10 тонавтницятнень — посредственной отметкат. Сех вадрыксэ ловозь Н. Пантелейкина пионерканть контрольной роботазо.

Овси лият результатне 4-це «Б» классонть, косо 5 тонавтницятнень получаст берянь ды пек берянь отметкат. Ветене «Б» классонть эйсэ алгебрань коряс 6 тонавтницятнень получаст берянь отметкат.

Аволь беряньстэ теезель 7-це «А» классонть эйсэ диктантне эрзянь келент коряс. Сех ламом тонавтницятне получаст пароды отличной отметкат.

В. Начаркин.

Атяшевской р-н.

Сэрей знания

Малав весе тонавтницятне Краснослободской васенце школасонть испытанийтнесэ невтеть сэрей знания. 9-це «А» классонть немецкой келент коряс берянь отметка кияк эзь получа, пеледест ламом эйстэст испытаниятненъ максызь вадрысто ды отличнасто.

Седеяк вадры успеваемость невтеть химиянь коряс 9-це «В» классонь тонавтницятне, конатненъ эйстэ 62 процент получаст вадры ды отличной отметка.

И. Чижиков.

Краснослободской р-н.

Маня Селякина

Зярдот Селякина Маня прядсь колмоце классонть, авазо пурнась тензэ штереть-пакарть ды мери:

— Пандя, тейтерем, тет тонавтнемс. Придсак «старшой» классонть ды озак пакаръ эжшес.

Те Маняненъ пек эзь вечкеве. Сонзэ ульнест покш мелезэ прядомс десятилетканть ды туемс тонавтнемс высшей школав.

— Арась, тонавтнемадо а эряви лоткавомс, — отвечась тетязо.

Ды кармась тейтересь тонавтнеме седе тов. Но 4-це классонть прядовомсто сон ормалгадсь малярисо. Врачтне максеть тензэ справка, конань коряс Маня ульнест олаксомтозь испытаниятненъ эйстэ. Сельменъ сязвадозь тейтернесь вансь ялганзо лангс. «Сын кармать ёвтнеме эсь знанияст, нейсызь иень успехест, — а мон...» — арсесь Маня. Ды тусь сон школань директоронть энялдомо, штобу тона поддализе испытанияс. Директорось подлызе, зярдот сон кандсь врачонь кедьстэ справка. Апак вано сень лангс, што кавто ковт эзь тонавтне, малав весе предметнень коряс испытанийтнесэ получаст отличной отметкат, ансяк литературань коряс путсь тензэ «хорошо».

Истя те предметанть коряс седе тов тонавтнеме Маняненъ марявсь висько ды сон аравсь эсь икелензэ задача — весе предметнень содамс отличнасто. Литературанть явсь башка мель. Ловнынзе весе сеть произведениятнень, конатненъ тонавтнест школасо. Ламом лоннось дополнительной литература ды пек роботась сочинениятнень лангсо.

Литературань коряс учителесь куток нейнзе Маня Селякинань знаниянзо ды кармась свал путнеме тензэ «отлично». 7-це классонть прядовомсто Маня получаст премия. Сон ульнест казезь Пушкинань сочинениянь томсо.

8-це классо тонавтнемстэ Маня Селякинань кочкызь классной организаторкс. Сон, прок комсомолка, путсь весе виензэ классонть честензэ кис.

Дружнасто, организованноста вастызь тонавтницятне испытаниятненъ. Тензэ покш заслугазо классной организаторонть Маня Селякинань. Сонзэ инициативанзо коряс ульнест организовазь леск лавшосто тонавтницятнень. Классось явозель башка группас. Эрва группантень соваст 5—6 ломат. Пеледест ловнынзе весе ютазь материялонт ды мейле эрва тонавтницят-

Берянь отметка арась вейкеяк

Минь, Кенде велень начальной школань 4-це классонь тонавтницятне, маень 20-це чистэнь карминекек испытаниятненъ максомо.

Васень чистэнь теинек письменной робота арифметикань коряс. Ды весе тонавтницятне видестэ решизь задачтненъ, получаст пароды отличной отметкат, берянь отметка арась вейкеяк. Те секс, што вадрысто эйсэнекек тонавтсь учительница А. Кедрова ялгась.

Минь бороцятано сень кис, штобу ютамс весеменень 5-це классонтень.

Н. Никитин.

Дубенской район.

Кода сон добовась вадры успеваемость

Покш успеваемостенть добовамонзо кис эряви ламо забота. Ансяк се учителесь может добовамс сэрей успеваемость, кона вадрысто содасынзе эсь тонавтницятнень ообщаст ды мелест-бажамост. Вадры успеваемостесь зярдояк а добовави дисциплинань апак кемекста.

Весе тень вадрысто чарькодизе 15-це № средней школань учительница Грачева Серафима Николаевна.

Сон роботы 5—6-це класстнесэ историйнъ преподавателькс. Прок комсомолка, Серафима Николаевна эсь роботасонзо невити пример весе преподавательской составонтень.

1940—41-це тонавтнема иень васенце четвртнестэ сонзэ класстнесэ успеваемостесь историйнъ коряс ульнест 90 процент. Грачева ялгась эсь икелензэ путсь задача — добовамс 100 процентнень успеваемость. Тень кис сон седе виевстэ кармась аноктамо уроктненъ, занятиятнень ютавсь пек интереснойстэ. Те кастызе эйкакштнень вечкемаст историйнъ тонавтнеманть.

Но вана малав сась тонавтнема иенть пезэ. Сестэ Серафима Николаевна одс кутызе весе материалонт. Повторениясь невтисе, што тонавтницятне а беряньстэ содасызь историйнъ. 5—6-це класстнесэ испытаният историйнъ коряс арась, но улитъ ансяк зачётт. Неть зачёттнень тонавтницятне максызь парсте ды отличнасто.

И. Киселев.

тень теезель, кода тесэ мерить, «генеральной репетиция». Программатонть максыть 3—4 вопрот тензэ ды кунсолить, кода ответи. Ки манами — витьсызь сеске. Истямо ладсо сын вадрысто аноктасть састы испытаниятнень.

Васняк отвечамо испытанийтнесэ лиссь сонсь, классонь организаторось Селякина. Преподавательсь ды весе ассистентне дивасть сонзэ пек вадры ответнень.

— Улевель отличнадо пароды отметка — путевинок тетъ, — мерсь тензэ вейке ассистент физикань коряс испытаниятнень максомо.

Сонзэ примерсь воодушевил весе классонть. Классось максынзе испытаниятнень колмо предметань коряс, но берянь отметка зарс кияк эзь получа. Тонавтницятне испытаниятнеде ивеле максеть обязательства — максомс испытаниятнень вадрысто ды отличнасто ды добовамс сень, штобу классось получавлизе якстере знамянь. Весе школась кеми, што истя улиак.

П. Сая.

Саранск ош, 9-це школа.

Критика ды библиография

„ОДКСЧИ“

(Мордгиз, 1941 ие)



Саранск ошонь 14-це № эйкакшонь сад-сонтъ.

Фотось А. Кочинэнь.

Велень хозяйствань Всесоюзной выставкасонть

Маень 26-це чистэ рана валске проспекта ды площадне, павильонть ды пажесэ озавтоз штудо участкне пешкедсть тышат ломанде. Кементь тышат москвичтне ды колхозниктне, конат тей састь певтеме масторонть весеме ёндонзо, азорокс ванкшность павильонть, тонавтнесть сехте вадра хозяйстватнень ды социалистической земледелиянь передовой мастертнень опытэст.

Украинской ССР-нь павильонсонть невтневи нурькине, но пек вадра справка. Югазь нестэнь кавто областне Полтавское ды Днепропетровское, Украинань лия областень 134 районть сайсть 100 пондо зёрна эрва гектарсонть. Республиконтъ зерновитнень средней урожаесь пачкодсь 14,5 центнерс гектарсонть. Лия павильонтьсэ пек вадрасто ёвтневи седе, што трюворонь, шужонь, пинемень сядо пондонь урожайть ней сайнить Поволжьясьяк, Дальней Востоксьяк, Северной Кавказсьяк. Колхозниктне вадрасто кармисть содамонзо агротехнической наукантъ, смелстэ шаштыть икелев артельной производствань.

«Дальний Восток» павильонсонть колхозниктне вастовсть васоло Чукоткань агрономонть Лапуха ялганть марто. Соа ёвтнесь эсензэ кунсолыцятнень велень хозяйствань успехтнеде. Васоло северсэ, Провидениянь бухтасонть теплицатнесэ иевть перть получаць 10.500 килограмма эрва кодат эмежть. Парниктнесэ эмежтнень урожаесь пачкодсь 26,5 килограммас вейке рамасто.

Сехте пек колхозниктнень ды выставкань посетительтнень мельс тусь Советской Прибалтикань республикатнень павильонсь. Тесэ вейке чинь перть—маень 26-це чистэ—ульнесть зярря тыща экскурсант.

(ТАСС).

Трудонь покш производительность

Валске 3-це чассто ушодкшноссыз паксясо роботатнень «Красный сев» колхозонь колхозниктне. Тунда видеасовть сын невтть трудонь покш производительность.

Васенне звенань плугартне З. Х. Дашкин, У. Х. Дашкин, Т. Ш. Дашкин оокаместо нормаст свал топавтнить 150 процентс. Роботань качества вадра.

Б. Акчурин.

Темниковской район.

Аумок Мордовской Государственной издательствась поддась эзянь од писателень ды поэтэнь сборник «Одксчи». Сборниксэнь печатазь В. К. Радаевень, П. Батаевень, К. Абрамовонь, А. Юргаень, Д. Куляскинэнь, Н. Киржайкинань, Н. Симдяновонь, А. Тарасовонь, П. Любаевонь, Ф. Храмошкинэнь, И. Ярославкинэнь, А. Богомоловонь ды М. Сурковонь стихест ды ёвтнемаст. Минь нарошной ледстиек весе неть лемтнень, штобу ловныцясь неевлизе кодамо те книжкасонть участвовиця автортнень составось. Тесэ улить поэтт ды писательт, конат сёрмадуть уш ветень-ветень или кеме-нень-кеменень иеть. Примеркс: Радаев, Батаев, Киржайкина ды истят, конат ансяк снартнить вист. Сборникенть пурныязо В. Водясов, бульчом, аравтнесь эсензэ икелев задача опытнойнень опытсэ вельямс опыттэмтнень ильведевксэст. Стихонь тев.

Эзянь литературась зярошкасто кассь, што можнать пурнамс од писателень ды поэтэнь истят вешат, конатнень печатамось аволь веше бу кодаткак махинацият пурныцянь ёндо. А мейсэ ульнесть печатам А. Богомоловонь, Ф. Храмошкинэнь содержания втомом, формавтомом виршатнень. Видеяк, мезень паро тейсть сборникенть составительсэ ды издательствась ловныцятнень истямо билберданть печатазь:

«Келейде келейстэ
Чись струязо срасть,
Чи лисеманть эйстэ
Менелесь артовсь.
Варштак менелентень
Зяро чинь струят! (? П. К.)
Од мелень седейтне,
Эх, вадрат, оят.
Чинь струятнень ладсо
Од цёра моли.
Эх, сон мельс-паросо
Армияв туи».

(А. Богомолов: «Призывник»).

Те «стихенть» ловномадонзо мейле ловныцясь эсь олянзо каршо арсезеви: «улить ли стихень авторонть «чинь струятнень» ды «менелденть» башка лия валонзо?»

Берять стихензэ Храмошкинэньгак. Вана кодамо чувтонь кельсэ сон ёвтни эсензэ чачома чидензэ:

«Эрямонтень сыргозинь се чистэнтъ,
Зяро раужо пель менельганть
(? П. К.)

Сыль тонь пелев наксадо уголсто—
А ёвтневи натой монь кельсэнъ».
Авторось сонсь витьксты, што сонензэ а ёвтавить эсь чувстванзо эсь кельсэнзэ. Кевксневи: мезекс ульнесть печатам те апак кенере стихенть? Вездь весе тесэ арась а смысла, а ритма, а рифма.

Эряви меремс, што «а ёвтневи натой монь кельсэнъ» валтне сборникенть келес истя сеетсьте видеэ, што можна арсезевемс беряньстэ весе автортнеде. Но те улелель бу а виде.

Минь а карматамо кортамо содавозь писательтнень Радаевень, Батаевень, Киржайкинань произведенийтнеде, конатне печатазь сборниксэнь. Но сынст коряскак можна меремс, што сборникентень кочказь неть автортнень произведенийтнестэ аволь сех вадратне. Мельс паросайдянзат И. Ярославкин ды А. Тарасов ялгатнень стихест ловномсто. Шождынестэ, тоцязь валсо нать од поэтнэ ёвтнить эсь чувствадост.

«Мазый эрямось терди
Морамс эрва чиденть,
Розакс цвети мастордонть,
Келей, валдо киденть.
(И. Ярославкин: «Цветяк чудесной мастор»).

или: Вай, кода а морамс,
Кода а пейдемс,
Тонеть кецязь эрямс,
Мазыйка эйдем.

Кастта, чивалдынем
Ильтият школав.
Летчик ульть, цёрынем—
Ливтяк чинть малав».

(А. Тарасов: «Моро»).

Неть од поэтнэ а пеняцить, што сынст а ёвтневить эсь ёжост эсест кельсэ. А пеняцить секс, што сын содасызь мезде сёрмадомс, секс што сын а снартнить сёрмадомс вычурнасто.

Нурькине статьясо а ёвтневить сборникенть весе берянь ды паро ёнксонзо. Эряви меремс ансяк, што берянь стихтнеде сонзэ эйсэ пек седе а ламо, чем паротнеде.

П. Кириллов.



СНИМКАСОНТЬ: Мосулсо базаронь ульцясь (Ирак).

Анокстыть од тонавтнема иентень

Те тонавтнема иесэ еще эзь прыдово, но Алова велень средней школоскармасть уш анокстамо 1941—1942-це тонавтнема иентень. Учительтне саизь учётс 8 иесэ эйкакштнень, конат кармить тонавтнема васенце классо.

Тезде башка школань дирекциясь тейсь договор Саранскоень учебно-наглядной магазинэнь марто седе, штобу рамамс учебно-наглядной пособиат. Неть читнестэ магазинэсь мись физикань, химиянь, естествознаниянь ды лия предметэнь коряс пособиат. Школась рамась политической ды физической картат, арифметической ящичть, классной счёт, географиянь, историянь ды СССР-нь Конституциянь коряс диапозитивт.

Школань библиотекась истя жо добови од книгат. Весемезэ ней эйсензэ ловови 2000 книга.

Ней школанть кармасть тееме ремонт. Стройматериал (лазт, эекть ды лият) анокстазь. Од тонавтнема иенть вастынек вадрасто.

В. Начаркин,

Алова велень средней школань завуч.
Атяшевской р-н.

Границань томбале

Крит островонть лангсо военной действиятнень

Рейтер агентствань военной обозревательсэ Губерт Гоф генералось сёрмады, што Крит островсонть бойтнень прыдовоманть ули пек покш значениязо кавонест воювиця ёнкстнень туртов. Кода неяви, уликс сведениятнень коряс, бойтне молить англичантнень туртов пек вадрасто. Германской воздушной васенце десантонть седе покш пельсэзэ ульнесть истожазь, остаткась жо—саезь пленс. Воздухсто атакась, сёрмады Губерт Гоф, кона васенцеде ютавтозель истя пек покшсто, тейни покш трудность оборонанть туртов, секс што меельцентень савкшны сравтнемс эсен-

зэ вийтнень покш таркава. Те обстоятельствомакши возможность противникентень апак учо валгстомс морясто или воздухсто десантт жизненна важной пунктсо.

Юнайтед Пресс агентствась пачти, што Крит островсонть английской механизированной вийтнень составсонть улить танкат ды моторизованной артиллерия. Кой-кона даннойтнень коряс, островсонть английской ды австралийской войскастнеде башка улить греческой кавто дивизият.

(ТАСС).

Англиасо парашютной десантнень валгстоманть коряс тонавтнема тне

Кода пачти Рейтер агентствась, маень 25-це чистэ Англиясо ютавтозель тонавтнема парашютной десантнень валгстоманть коряс. Тонавтнема тнесэ ульнесть короlessь ды армиянь ды военно-воздушной виень командованиянь представительтне. «Уитли» бомбарди-

ровщиктне, конат ливтасть аволь бойкасто ды 500 футто аволь седе сарейстэ, валгстасть парашютистт, конат 3,5 минутань перть успешнойстэ саизь условной противникень аэродромонть.

(ТАСС).

Недланта перть германской, итальянской ды английской авиациянь емавкснеде английской даннойтне

Информациянь английской министрствась пачти, што недланта перть, кона прыдовсь маень 24-це чистэ германской ды итальянской военно-воздушной вийтне ёмавтеть 72 самолет, английской авиациясь жо—29.

(ТАСС).

Турциясо землетрясения

Маень 24-це чинь каршо вестэнтъ Турциянь зярря округтнесэ теевсь землетрясения. Тешкстазь мода потсо 19 толчок. Населенной пунктонь эриятне, землетрясениясонть тандавтовозь, лиснесть кудостост ды венть ютавтызь ушосо. Кой-кона кудотне калавтовозь.

(ТАСС).

Ответ. редакторось А. ШЕГЛОВ.